

Na osnovu Odluke Vlade Bosansko - podrinjskog kantona Goražde broj: 03-14-700-2/14 od 30.04.2014.godine, o davanju saglasnosti na Programa utroška sredstava „Program podrške razvoju privatnog sektora i izvozne industrije Bosansko-podrinjskog kantona Goražde“, utvrđenog na ekonomskom kodu 614500 – Subvencije privatnim preduzećima i poduzetnicima za 2014.godinu, Ministarstvo za privredu Bosansko-podrinjskog kantona Goražde **o b j a v l j u j e**:

## **JAVNI POZIV**

*za dostavljanje prijedloga projekta za finansiranje iz Programa utroška sredstava „Program podrške razvoju privatnog sektora i izvozne industrije Bosansko-podrinjskog kantona Goražde“ utvrđenih u budžetu Ministarstva za privredu Bosansko-podrinjskog kantona Goražde za 2014.godinu*

### **I Predmet i svrha javnog poziva**

Predmet javnog poziva je prikupljanje prijedloga projekta za sufinansiranje iz budžeta Bosansko-podrinjskog kantona Goražde u okviru Programa podrške razvoju privatnog sektora za 2014.godinu. kako bi se stvorili uslovi za zapošljavanje, rast i razvoj privatnog sektora i unaprijeđenje privredne strukture Bosansko-podrinjskog kantona Goražde, a koji se nalaze na području Bosansko-podrinjskog kantona Goražde.

### **II Ciljne grupe**

Na Javni poziv mogu aplicirati sva privredna društva sa područja Bosansko-podrinjskog kantona Goražde koji ispunjavaju opšte i posebne ciljeve.

### **III Opšti i poseban cilj programa**

Opšti cilj programa je kreiranje novih radnih mjesta na području Bosansko-podrinjskog kantona Goražde kroz podsticanje ekonomskog razvoja, razvoja malih i srednjih preduzeća i razvoja izvozno orjentisane prerađivačke industrije.

Program sadži poseban cilj za 2014.godinu koji je usklađen sa opštim ciljem programa.

Poseban cilj programa je :

- **Razvoj izvozno orijentisane prerađivačke industrije**

Poseban cilj programa je razvoj velikih izvozno orjentisanih kompanija i preduzeća srednje veličine. U okviru razvoja izvozno orjentisane prerađivačke industrije obezbjedit će se podrška u implementaciji investicionih projekata i aktivnosti koje doprinose povećanju broja zaposlenih radnika i boljih uslova poslovanja u izvozno orjentisanim privrednim društvima koja zapošljavaju više od 50 zaposlenih radnika.

Podrška za razvoj izvozno orjentisane prerađivačke industrije planirana je za projekte rekonstrukcije pristupnih saobraćajnica unutar industrijskih zona, te projekata i aktivnosti koje uključuju kombinaciju aktivnosti na izgradnji, rekonstrukciji ili proširenju industrijskih objekata; nabavci mašina i opreme neophodnih za proizvodnju novih proizvoda ili proširenje proizvodnje uvođenjem novih tehnologija; nabavku mašina i opreme koje otklanjaju uska grla u procesu proizvodnje, poboljšanju uslova rada, sigurnosti na radu i zdravlja radnika sa aktivnostima na otvaranju novih radnih mjesta, zapošljavanju kvalifikovane i stručne radne snage, te aktivnostima na poboljšanju uslova i sigurnosti na radu.Podrška je planirana i za aktivnosti na unaprijeđenju

stanja okoliša i njegove zaštite u industrijskim zonama na području Bosansko-podrinjskog kantona Goražde.

#### **IV Uslovi finansiranja**

Za finansiranje komponente razvoj izvozno orjentisane prerađivačke industrije, odobren je maksimalan iznos sredstava u iznosu od 50.000 KM.

#### **V Korisnik sredstava**

Korisnici sredstava mogu biti indirektni i direktni korisnici

Direktni korisnici sredstava programa su lica koja ispunjavaju opšte i posebne uslove programa koji su uspješno završili proces apliciranja, selekcije i evaluacije i koji su uspješno rangirani za korištenje sredstava iz ovog programa.

Indirektni korisnici sredstava, odnosno implementatori sredstava su lica kojima je Vlada kantona svojom Odlukom dala saglasnost da se dodjela državne pomoći direktnom korisniku ili više korisnika vrši u stvarima i pravima na način da se pokrene procedura odabira najpovoljnijeg ponuđača za izvođenje radova odnosno pružanje usluga putem kojeg će se projekat realizovati.

#### **VI. Pravo učešća**

Opšti uslovi za učestvovanje u programu su:

- da su registrovana kao privredna društva shodno odredbama Zakona o privrednim društvima F BiH,
- da imaju registraciju na prostoru Bosansko-podrinjskog kantona Goražde,
- da u momentu podnošenja aplikacije imaju minimalno pet stalno zaposlenih radnika na neodređeno vrijeme,
- da obavljaju djelatnost na prostoru Bosansko-podrinjskog kantona Goražde, sa minimalnim brojem radnika koji su predviđeni programom,
- da su registrovana minimalno 2 godine od dana podnošenja aplikacije za učestvovanje u programu.

#### **VII. Odabir korisnika sredstava**

Sve dostavljene prijedloge projekata u skladu sa odredbama Programa, procjenjuje Komisija imenovana od strane Ministra za privredu Bosansko-podrinjskog kantona Goražde.

Nakon provedene procedure apliciranja, selekcije i evaluacije, najbolje rangirani prijedlozi projekata će biti odobreni nakon što Vlada Bosansko-podrinjskog kantona donese odluke u skladu sa odredbama Programa.

#### **VIII. Obavezni prilozi**

Aplikanti su dužni dostaviti prijedloge projekata u formi koja je propisana od strane Ministarstva za privredu Bosansko-podrinjskog kantona Goražde. Forma za dostavljanje prijedloga projekata može se preuzeti sa internet stranice [www.bpkgo.ba](http://www.bpkgo.ba).

Uz prijedlog projekta, aplikanti su obavezni priložiti:

- Sudsko rješenje o registraciji sa svim pojedinačnim priložima;
- Uvjerenje o izmirenim obavezama od poreske uprave;
- Uvjerenje o izmirenju obaveza PIO/MIO sa podacima o broju prijavljenih radnika;
- Uvjerenje da odgovorna osoba u posljednjih 5 godina nije osuđivana u sudskom postupku za kršenje zakona u smislu poslovnog ponašanja;
- Uvjerenje da nije pred stečajem ili likvidacijom;
- Izvještaj o finansijskom osiguranju (bilans stanja i bilans uspjeha za prethodnu godinu);

Uvjerenja nesmiju biti starija od 3(tri) mjeseca računato od dana podnošenja zahtjeva, a kopije Uvjerenja i drugih dokumenata moraju biti ovjerene.

### **IX. Podnošenje prijedloga projekata**

Prijedlozi projekata sa traženim priložima se dostavlja u zatvorenoj koverti na adresu: Ministarstvo  
za privredu Bosansko-podrinjskog kantona Goražde  
ul Višegradska 2a, Goražde 73000,  
sa naznakom: za javni poziv za odabir korisnika sredstava po Programu utroška sredstava  
„Program podrške razvoju privatnog sektora i izvozne industrije Bosansko-podrinjskog kantona  
Goražde” za 2014. godinu  
**„NE OTVARAJ“**

Rok za dostavljanje ponuda je 30 dana od dana objavljivanja Javnog poziva na oglasnoj ploči Bosansko-podrinjskog kantona Goražde i sredstvima javnog informisanja.

Krajnji rok za dostavljanje prijedloga projekata je **05.decembar 2014. godine** u 16:00 sati.

### **X. Ostale odredbe**

Sa kandidatima čiji se projekt-program prihvati, Ministarstvo za privredu će potpisati Ugovor o implementiranju dodijeljenih sredstava, kojim će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Sve dopunske informacije vezane za natječaj mogu se dobiti svakim radnim danom putem telefona broja 038/228-640 od 08,00 do 16,00 sati.

**Broj:** \_\_\_\_\_  
**Goražde,** \_\_\_\_\_

**MINISTAR**

*Demir Imamović dipl.ecc.*